
ОРОМГОҲ ХОДИМЛАРИГА ТАШАККУРНОМА

Фарғона туманидаги “Т.Сотволдиев” болалар оромгоҳида 381 нафар болалар тарбияланяпти.

Фарғона магистрал газ қувурлари бошқармаси ходимларининг 100 нафар фарзандлари ҳам ёз кунларини мароқли ўтказиб, мириқиб дам олмоқдалар. Кўнгилочар тадбирларда иштирок этиб, билими ва қобилиятини янада бойитяптилар.

Оромгоҳда “Инглиз тили”, “Миллий рақс”, “Ёш қутқарувчи”, “Ёш мусаввир”, “Муסיқа олами” сингари тўгараклар фаолияти йўлга қўйилган. Болалар ўртасида “Умид ниҳоллари” спорт мусобақаси, “Мен юлдузман”, “Биз иқтидорлиларни излаймиз” сингари танловлар орқали болалар жисмоний тайёргарлигини ошириш, уларни рағбатлантиришга алоҳида аҳамият қаратилган. “Эртақлар оламига саёҳат” спектаклларида ижодий қобилиятлари янада юксалтирилади.

Ўзбекистон Республикаси Мустақиллигининг 26 йиллиги муносабати билан оромгоҳда “Қадам бос”, “Ўзбекистон фарзандиман” каби тадбирлар орқали болажонларга мустақилликнинг моҳияти, истиқлол берган имкониятлар, юртимиздаги барча соҳалар ривожини, ҳуқуқлари кафолатланганлигини ҳақида тўлақонли маълумотлар бериб борилмоқда.

Фарғона магистрал газ қувурлари бошқармаси касаба уюшма қўмитаси томонидан болаларнинг мазмунли дам олишларини таъминлашга, уларнинг ҳуқуқий билимларини шакллантиришга хисса қўшаётган оромгоҳнинг 27 нафар тарбиячи ва етакчиларга “Ташаккурнома” топширилди. Оромгоҳ тарбияланувчиларига китоб жамланмалари тақдим этилиб, концерт дастури намойиш қилинди.

2017-07-25 18:35:19